

# FJELL KOMMUNE

Rådmannen

Dato: 02.09.2009

Vår ref.: 2009/2175 - 17371/200

Ark.kode:

## Møtereferat 4

<b>Møte i:</b> Utvida kriseleing	<b>Dato:</b> 02.09	<b>Tid:</b> Kl 1400
<b>Til stades:</b> Komiteeleiar Inge Ree, rådmann Steinar Nesse, servicetorgsjef Lillian Torsvik, Ikt-sjef Kjell Fyllingen, plan- og utbyggingsjef Willy Sørensen, personalsjef Harald Rød, hovudtillitsvald Fagforbundet Frode Instebø, tryggleiksléiar Roy Hansen, økonomisjef Svend Fr. Untiedt, omsorgssjef Line Barmen, hovudtillitsvald undervisning Mikael Tangen, Leiande helsesøster Torill Aglen, reinhaldsléiar Ruth Paulson.	<b>Forfall:</b> Ordførar Lars Lie, varaordførar Georg Indrevik, spesialrådgjvarar Svein Fjelland, prosjektleiar Gudrun Ølnes, hovudtillitsvald Delta Anlaug Sangolt, eigdomsjef Atle Justad, sosialsjef Tove Helleland, barnehagesjef Margunn Landro, kommuneoverlege Stein-Inge Stigen, smittevernlege Bjørn Ove Aglen, helsesjef Terje Handal, drifts- vedlikehaldsléiar Arne Monsen, skulesjef Ellen M. Hansen.	
Møtet vart leia av Inge Ree.		
<b>Referent:</b> Haldis Opheim	<b>Møtet slutt:</b> Kl 14:15	

		Ansvar	
1.	<p>Ordføraren hadde kalla inn til dette møtet grunna kommunen sin overordna strategi for å handtera svineinfluensa-pandemien. Til møtet er det i tillegg til rådmannens utvida leiarteam og kriseleing, også kalla inn nøkkelpersonell som må ta snarlege avklaringar i ein krisesituasjon på si avdeling. Kommunen skal ha ein felles strategi, og felles informasjon ut til innbyggjarane.</p> <p>Det vert halde møte i utvida kriseleing kvar onsdag kl 1400. Dersom det vert eit stort utbrot av influensa A, vert det møte kvar dag kl 1000.</p>		
2.	<p><b>Frigjering av 300 sjukehussenger i Helse-Bergen:</b> Ikkje-influensasjuke pasientar på sjukehus kan verta overførte til kommunen. Helse-Bergen ber difor om at det vert stilt eigna lokale til disposisjon for mottak av slike pasientar i ein krisesituasjon.</p> <p>Konklusjon: Fjell kommune kan stilla til disposisjon: Paviljongen ved sjukeheimen - 14 rom, inntil 42 sengeplassar Lokale i Straume terapibasseng - 10 sengeplassar Private institusjonar ? sengeplassar</p>	Rådmannen melder inn dette til Helse-Bergen snarast.	

	Melding er sendt til Helse- Bergen. Sjukeheimpaviljongen vert klar for bruk i slutten av august.	Bruksløyve er sjekka ut.	
<b>3.</b>	<p><b>Personellsituasjonen – plan for rekruttering, innleige:</b></p> <p>Personalsjefen har utarbeidd og la fram i møtet oversyn over helsepersonell med helse/omsorgsfagleg kompetanse, tilsamen 155 personar som i dag ikkje arbeider i døgnbasert pleie. Personalsjefen skal utarbeida namneliste, og han sender brev til aktuelle personar med spørsmål om hjelp ved ein krisesituasjon.</p> <p>Personalsjefen la fram oppdatert oversyn over personalsituasjonen på neste møte. Sjå vedlegg.</p> <p>Det er også aktuelt å ta kontakt med vikarbyrå for innleige, også frå utlandet. Omsorgsjefen undersøker om det er personell som går i deltidstillingar som kan aukast til 100 % still. ved krise. Ta kontakt med høgskular for innleige av studentar.</p> <p>Det er aktuelt med bidrag frå Sivilforsvar, Røde Kors og Lille Sotra Sanitetsforening. Det vert skrive til dei slik at dei kan vera førebudd med hjelp i ein krisesituasjon.</p> <p>Det er halde møte med desse, og dei var positiv innstilte på å hjelpa til i ein krisesituasjon.</p> <p>Reinhaldarar ved ekstra sjukelokale, må stillast til disposisjon. Plan for ekstra personell og opplæring er under arbeid.</p> <p>Ved transport av personell, ta kontakt med Sotra Brannvern.</p>	<p>Personalsjefen.</p> <p>Omsorgsjefen.</p> <p>Tryggleiksleiar.</p> <p>Reinhaldsleiar.</p>	
<b>4.</b>	<p><b>Avtalar med organisasjonane om arbeidstid i tilfelle pandemiutbrot i Fjell:</b></p> <p>Dette må avklarast snarast. Frode opplyste at dei ikkje kunne gå utanom sentralt lovverk. Rådmannen ønskjer ikkje langvarige konflikhtar om dette, og meiner at kommunen i utg.pkt. må bassera seg på frivillige avtaler.</p> <p>Personalsjefen kallar inn til møte med organisasjonane torsdag 13. august om arbeidstida i tilfelle pandemiutbrot.</p> <p>Møte med organisasjonane er halde.</p>	Personalsjefen.	
<b>5.</b>	<p><b>Organisering av alle tenester i tilfelle stort fråvær:</b></p> <p>Kvar tenesteleiar går gjennom sine beredskapsplanar, sist oppdatert 2001, til neste møte. Barnehagesjefen melder om oppdaterte planar og informasjon til barnehagane, både kommunale og private. Det er også halde møte 18.08. for personell i både kommunale og private</p>	Tenesteleiarar	

	<p>barnehagar der det vart gjeve informasjon om korleis ein skal handtera eit eventuelt pandemiutbrot.</p> <p>Sosialsjefen har halde personalmøte, beredskapsplanar og rutinar er oppdaterte. Det vert tatt kontakt med omeignkommunane for eventuelt eit samarbeid ved eit større pandemiutbrot.</p> <p>Helsesjefen har gått igjennom planar som er oppdaterte og har kontroll så langt i dag. Det er ikkje meldt inn særlege problemstillingar.</p> <p>Skulesjefen har gått gjennom planar for eventuelt samanslåing av grupper/klassar, og vikarlistar er oppdaterte.</p> <p>Omsorgsjefen opplyser at alle beredskapsplanar i omsorg er oppdaterte og at det er aktuelt å overføra personell frå ikkje-lovpålagte arbeidsområde.</p>		
<b>6.</b>	<p><b>Innleige av profesjonell mediakontakt/informasjonsmedarbeidar:</b></p> <p>Vigleik Brekke er engasjert som informasjonsrådgjevar ut året.</p> <p><b>Informasjon til innbyggjarane:</b></p> <ul style="list-style-type: none"> <li>- Det er lagt ut informasjon om svineinfluensaen på kommunen sine internettsider. Informasjonen må oppdaterast etter kvart som nytt kjem til.</li> <li>- Forslag om å laga ein brosjyre med informasjon om influensaen for utdeling til alle husstandar.</li> <li>- Informasjon i media/aviser ved behov.</li> </ul> <p><b>Informasjon til elever i skule, barn i barnehage, foreldre:</b> Det er sendt ut samordna/lik informasjon til alle skular/barnehagar/SFO, også til private barnehagar. Når det gjeld skule, tek skulesjefen dette opp med leiarar på møte tysdag 11. aug.</p> <p><b>Informasjon til eigne tilsette:</b> Det vert oppmoda om å bruka intranett, og halda seg oppdatert der.</p>		
<b>8.</b>	<p><b>Etablering av naudlegevakt.</b></p> <p>Det kan verta aktuelt å etablert ekstra legevakt i rådhuset. Ein vil ta i bruk skodespelarfoajeen til dette føremålet. Aktuell periode kan vera 5-6 veker og kan vera disponibel på kort tid.</p> <p>Ein førebur oppretting av naudlegevakt alt no.</p> <p>Det må klargjerast nytt lokale til dei som nyttar skodespelarfoajeen dagleg til kontor.</p> <p>Eigedomssjefen arbeider med å finna avlastingskontor i rådhuset og vil</p>	<p>Kommune- overlegen.</p> <p>Eigedomssjefen.</p>	

	<p>ha det klart med det første.</p> <p>Det er funne avlastingskontor for sosialkontoret</p> <p>IKT ordnar ekstra svar på legevakttelefon.</p> <p>Det vart tinga skilt 20.08.</p> <p>Skilta er no på plass.</p>	<p>IKT-sjefen.</p> <p>Eigedomssjefen.</p>	
<b>9.</b>	<p><b>Deltaking på utanlandsturar og konferansar.</b></p> <p>I prinsippet ønskjer ikkje rådmannen at større grupper no planlegg utanlandsturar eller reiser på større konferansar.</p> <p>Deltaking på turar må vurderast nøye i kvart tilfelle. Hovudregelen er at maksimalt 1-2 personar deltek på slike turar. Større deltaking må avklarast med sjef. Det vert etter planen ikkje arrangert skuleturar i år (2009). Leirskule vert gjennomført som planlagt, men etter særskilt vurdering av rektor og forelderådsutval.</p> <p>Vedrørande skuleturar: På ein av skulane har 3 klassar planar om ein foreldrestyrt tur til Tyskland i oktober med totalt 48 deltakarar. Fram til neste møte vert det innhenta informasjon som grunnlag for endeleg konklusjon.</p> <p><i>Planleggjinga av turen held fram. Eventuell kansellering av turen vert teken i seinare møte.</i></p>		
<b>10.</b>	<p><b>Helse spørsmål:</b> Kommuneoverlegen/smittevernlegen opplyser at dei ikkje lenger har oversikt over kor mange som eventuelt kan vera smitta i vår kommune. Det vert ikkje lengre teke prøver.</p> <p>Teoretisk ventar ein at svineinfluensaen vil ta seg opp no framover og at ein innan ein månad vil nå ein topp som kan vara i 14 dagar.</p> <p>Legane melder at det ikkje er registrert noko vesentleg endring i status vedrørande influensa.</p> <p>Alle vil få tilbod om vaksine, men ikkje alle får vaksine samstundes. Det er utarbeidd plan for vaksining, og dei som er i risikograppa får vaksine først. Vaksinen kjem ikkje før toppen er nådd.</p> <p>Dei som uttaler seg om svineinfluensaen på kommunen sine vegne er kommuneoverlege og smittevernlege, <b>ingen andre.</b></p>		
<b>11.</b>	<p><b>Reingjering av bygg – bruk av dispensarar:</b></p>	<p>Reinhaltsleiar</p>	

	<p>Reinholdsløper opplyser at dei alt har teke initiativ til betre reinhold. Kontaktpunkt i bygg vert prioritert, likeeins reingjering av toalett. Andre ting vert i ein periode nedprioritert.</p> <p>Det vert laga plan for arbeidet.</p> <p>Kommuneoverlegen har tinga 100 spritdispensarar til kommunen. 70 dispensarar er montert og sprit er nyleg motteke.</p> <p>Spritdispensarar er montert i rådhuset. Alle barnehagar både kommunale og private har montert spritdispensarar for bruk av vaksne. Born skal nytta god handvask, likeeins elevar på skulane. Det er montert vaskar i alle klasserom.</p> <p>31 av 61 vaskerenner er montert i klasseromma på skulane.</p>	Eigedomssjefen	
12.	<p>Eventuelt:</p> <p><b>Stortingsvalet 2009 i september.</b> Skriv frå departementet om utvida førehandsrøysting/ambulerande røystemottaking i heimen kan verta naudsynt. Bemanninga i røystelokala bør oppjusterast og fleire varamedlemer må veljast. Ein må læra opp nok personell slik at ein får gjennomført valet, sjølv om mange vert borte. Desse spørsmåla vert teke opp i møte i valstyret som skal vera 21.august. (møtet vart utsett til 24.08.)</p> <p>Servicetorgsjefen kontaktar departementet vedk. frist for søknad om ambulerande førehandsrøysting.</p> <p><i>Valet vert gjennomført etter gjeldande lov og forskrift, og det vert ikkje høve til å få røysta heime på valdagen.</i></p> <p>Det er planlagt øving Hordaland i september. Rådmannen føreslår at Fjell kommune ikkje skal delta på denne øvinga. Ordføraren tek kontakt med Fylkesmannen og informerer om dette. Ordføraren har sendt formelt brev til Fylkesmannen som munnleg har akseptert at øvinga ikkje vert gjennomført i Fjell.</p> <p>Informasjon til:</p> <ul style="list-style-type: none"> <li>- kommunestyret 26. august, (er avlyst)</li> <li>- KFF i møte 18. august.</li> </ul> <p>Møtereferata vert sendt til kommunestyremedlemene og lagt ut på</p>	<p>Ordførar/ servicetorgsjef</p> <p>Servicetorgsjefen</p> <p>Ordførar/rådmann</p>	

	<p>intranett og internett. Det skal lagast logg over all ut/inn-korrespondanse om influensaen, også telefonspørsmål skal loggførast, jamf. K2.</p> <p>Når det gjeld utgifter til ekstra tiltak i samband med svineinfluensaen skal desse utgiftene førast på ein eigen kostnadsstad. Økonomisjefen har ansvar for å få oppretta denne og senda melding til alle med tilvisingsansvar.</p> <p>Økonomsjefen har oppretta kostnadsstad 3014 som skal nyttast av alle som har utgifter i samband svineinfluensaen.</p> <p>Vi veit enno ikkje om staten går inn og dekkjer ekstraavgiftene kommunane vert påført. Dette må avklarast på eit seinare tidspunkt, gjerne i samarbeid med Helse Bergen.</p> <p><i>Neste møte vert onsdag 23. september kl 1400 i komitesalen. Dersom det vert trong for nytt møte, vert det sendt ny innkalling.</i></p>	Økonomisjefen